

Tilskotsordning for opplæring i norsk og samfunnskunnskap for asylsøkarar i mottak 2023

1. Innleiing

Rundskrivet er utarbeidd av Integrerings- og mangfoldsdirektoratet (IMDi) og er basert på retningslinjer for tilskotsordninga på kap. 672, post 60, fastsett av Arbeids- og inkluderingsdepartementet 03.01.2023, i samsvar med § 8 i Reglement for økonomistyring i staten og kapittel 6 i Bestemmelser om statlig økonomistyring.

Tilskotsordninga består av

- tilskot til opplæring i norsk for asylsøkere i mottak
- tilskot til opplæring i samfunnskunnskap for asylsøkarar i mottak

IMDi har ansvar for å forvalte tilskotsordninga.

2. Mål og målgruppe for tilskotsordninga

Tilskota skal bidra til at vertskommunar for mottak gjennomfører opplæring i norsk og samfunnskunnskap for asylsøkarar i mottak, slik at asylsøkarane tidleg får kjennskap til norsk språk og samfunnsliv.

Målet med tilskotsordninga er at asylsøkarar kan oppfylle plikta til å delta i 175 timar opplæring i norsk og 25 timar i samfunnskunnskap i mottak¹.

2.1. Tilskotsmottakarar

Tilskotssmottakarane er vertskommunar for mottak. Med «mottak» meiner vi her ordinære mottak, integreringsmottak eller alternativ mottaksplassering (tilpassa butilbod etter avtale med Utlendingsdirektoratet). Ankomstsenter og transittmottak er ikkje rekna som «mottak» i denne samanhengen.²

2.2. Målgruppe for tilskotet

Asylsøkarar som bur i mottak, og som er over 18 år, har plikt til å delta i opplæring i norsk og samfunnskunnskap. Plikta gjeld ikkje dersom asylsøkaren

- får søknaden sin behandla etter hurtigprosedyrar i Utlendingsdirektoratet
- blir nekta å få asylsøknaden realitetsbehandla etter utlendingslova § 32
- bur på ankomstsenter eller i transittmottak
- har fått avslag frå Utlendingsdirektoratet på søknad om vern

¹ Jf. integreringslova § 5 første ledd første punktum og tilhøyrande forskrift.

² Jf. integreringslova § 5 første ledd andre punktum bokstav c.

3. Kriterium for måloppnåing

Asylsøkarar som har plikt til å delta i opplæring i mottak gjennomfører opplæringa.

Asylsøkarar kan få fritak frå opplæring i spesielle tilfelle:

- Asylsøkaren kan få fritak ved særlege helsemessige eller andre tungtvegande årsaker.³
- Dersom asylsøkaren går i grunnskole eller vidaregåande opplæring etter opplæringslova, kan kommunen etter søknad frita asylsøkaren frå plikta til å delta i norskopplæringa.⁴

4. Tildelingskriterium, mellom anna berekningsreglar

4.1. Vilkår for å få støtte

Kommunen skal sørge for opplæring så snart som mulig etter at asylsøkere som omfattes av plikten etter første ledd, er registrert i et mottak i kommunen.

4.2. Berekningsreglar

Inngangen til målgruppa er ved registrering i mottak. Tilskotet blir utbetalt éin gong per asylsøkar i målgruppa.

4.2.1. Utbetaling av tilskot

Basert på data i Nasjonalt introduksjonsregister (NIR) blir tilskotet utbetalt automatisk til tilskotsmottakarane.

For personar som kjem inn i målgruppa i 2023, blir tilskotet utbetalt tidlegast i kvartalet etter at dei kom inn i målgruppa.

Satsen for tilskot for opplæring i norsk er 16 000 kroner.

Satsen for tilskot til opplæring i samfunnskunnskap i mottak er 2 300 kroner.

Tabellen under viser utbetalingane av tilskot i 2023.

UTBETALING AV TILSKOT FOR 2022:

Planlagd utbetaling*	Utbetalinga gjeld
Veke 21	Nye personar i målgruppa 1.1.– 31.3.2023
Veke 33	Nye personar i målgruppa 1.4– 30.6.2023
Oktober 2023	Nye personar i målgruppa 1.7– 30.9.2023
Desember 2023	Nye personar i målgruppa 1.10 – 31.12.2023

* Endringar kan førekomme, sjå IMDi.no.

Etter utbetaling av tilskot sender IMDi tilskotsbrev til det elektroniske postmottaket til kommunen. Kommunen kan også sjå detaljerte opplysningar om utbetalt tilskot i IMDinett. Dersom ein tilskotsmottakar meiner å ha krav på tilskot som ikkje er utbetalt, kan vedkommande melde frå til IMDi via Kontaktsenter for IMDinett.

³ Jf. integreringsforskrifta § 1 andre ledd og § 2 andre ledd.

⁴ Jf. integreringsforskrifta § 1 tredje ledd.

4.2.2. Deling av tilskot mellom kommunar ved flytting

Dersom ein person som er i målgruppa for eit tilskot, flyttar til eit mottak i ein annan kommune i tilskotsåret, vil tilskotet automatisk bli delt likt mellom frå- og tilflyttingskommunen. Denne delinga skjer berre éin gong.

5. Oppfølging og kontroll

Opplysningar som er nødvendige for å gjennomføre, følge opp og evaluere tilskotsordninga for opplæring til asylsøkarar i mottak, skal registrerast av kommunen i Nasjonalt introduksjonsregister (NIR).⁵ I den tilhøyrande forskrifta er det fastsett kva for opplysningar kommunen skal registrere. Kommunen skal registrere desse opplysningane innan to månader.

Kommunane skal ikkje legge fram ein særskild rekneskap for tilskot til opplæring i norsk og samfunnsfag for asylsøkarar i mottak. Dersom kommunen gjennomfører opplæringa til ein lågare kostnad enn det tilskotet dei har mottatt, kan kommunane behalde tilskotet.

IMDi og Riksrevisjonen kan kontrollere at midlane blir brukte etter føresetnadane.⁶

6. Feilaktige utbetalingar

Dersom ein kommune har fått utbetalt for mykje i tilskot, kan IMDi krevje tilbakebetalt det overskytande beløpet i tråd med ulovfesta reglar om *condictio indebiti*. IMDi har rett til å motrekne det overskytande beløpet med nye utbetalingar av tilskot til kommunen.

7. Klagereglar

IMDis tildeling av tilskudd i henhold til denne tilskuddsordningen er ikke å regne som enkeltvedtak, jf. forvaltningsloven § 2. Det vil si at bestemmelsene i forvaltningsloven kapitlene IV til VI ikke får anvendelse, jf. forvaltningsloven § 3. Kommunene har derfor ikke klageadgang. For øvrig gjelder forvaltningslovens regler, for eksempel regler om habilitet og alminnelige regler om saksbehandlingen.

8. Foreldingsfrist

Når eit tilskotskrav er forelda, taper kommunen retten til å krevje tilskotet utbetalt.⁷ Den alminnelege foreldingsfristen er tre år rekna frå det tidspunktet kommunen tidlegast har rett til å krevje å få tilskotet utbetalt.⁸

Dersom IMDi har eit forelda tilbakebetalingskrav mot kommunen, vil det forelda kravet kunne motreknast med nye utbetalingar.⁹

9. Kontakt IMDi

Spørsmål skal meldast til IMDi i supportsystemet [Kontaktsenter for IMDinett](#).

⁵ Jf. integreringslova § 43.

⁶ Jf. løyvingreglementet § 10 andre ledd og riksrevisjonslova § 12 tredje ledd.

⁷ Jf. foreldingslova § 24.

⁸ Jf. foreldingslova § 2 og § 3 nr. 1.

⁹ Jf. foreldingslova § 26 bokstav b.